

鄭康成年譜



王利器 著

鄭康成年譜

齊魯書社

郑康成年谱

王利器 著

齐鲁书社出版发行

(济南经九路胜利大街)

山东新华印刷厂印刷

850×1168毫米32开 11.25印张 6插页 181千字

1983年3月第1版 1983年3月第1次印刷

印数1—5,000

书号 11206·47 定价 1.45 元

漢大司農鄭公像

漢大司農鄭公像
傳大司農鄭公像
初治 聖廟 未成 傳意
永平 月 中 丁
賜道士及學山東諸經道
賜弟子學孫王衍書

鄭公像

永平 月 中 丁

鄭公像



汉大司农郑公像
高密县文化馆藏

1. 汉大司农郑公像

嘉庆十年岁在乙丑题付傅大令廷兰携至

高密祠谥 贤裔弃藏传远

嘉平月望后一日


赐进士及第山东督粮道

阳湖后学孙星衍敬书

2.

南熏殿本

泰州朱雀年摹



1. 汉大司农郑公像

嘉庆戊辰正月后学严可均敬书

2. 於戏集群圣之大成者孔子集群儒之大成者郑公何幸千七百年而后犹得肃瞻乎其容繁汉氏之传经类颺门之是崇譬江河自成其大究难比量乎水宗唯公起于炎季汇今古而兼通曰易曰书曰诗曰春秋孝经论语咸有所著述要秉礼以折衷阐姬公之制作范万祀而开群蒙入室操戈非伐异受捧手非党同羌实事以求是泯门户而胥融富网罗而大囊括其斯为海之冲瀛於戏大哉门通德兮魏巍草书带兮茸茸伟湏麋兮秀美戴幅巾兮離離峯高山兮印止心向往兮焉穷

咸丰元年冬十月后学许瀚敬题

3. 太平广记卷二百引郑君别传君

以永建二年七月戊寅生后汉书本传公以建安五年卒年七十四上距永建二年年数正相合顺帝纪是年秋七月甲戌朔日有食之则公为永建二年七月五日生也戊辰岁十月十三日洪颐煊记孙星衍书

3	2	1
4		
7	6	5

4. 汉四百祀何不良燕山黄巾醵

而张公澡厥德尸其乡瞑目不见天元黄下扫华邴如批糠何况四世三公豚犬儿郎饮君一石意差强草中卧看牛触膺

咸丰四年

山阳鲁一同

5. 先王之道为国以礼君子持躬

莫不由此荀教东海章明统类运际五百郑公厥起爰为礼注定人之轨人轨既定教思无已猗嗟郑公可知百世道光庚戌立春后学包世臣赞

6. 漠然若不及公幼称奇童艰卓

获授受诗礼遂已东猗嗟士尚志豁发万古蒙

南丰谭祖同敬题

7. 敬慎威仪以近有引诗臧子即

自标其楷式无绂冕之绪而以幅巾故长于经训为儒之纯容仪温伟永范斯民

有宇下
脱德字

闽高均儒



系刊二 汉郑康成先生墓碑
高密县文化馆供稿

圣清乾隆十有四年秋七月

汉 郑 康 成 先 生 之 墓

山东海防使者仁和后学沈廷芳敬书

高密令吴郡后学钱廷熊谨立

序 言

高密郑君，含海、岱之纯灵，体大正之洪则，有雅瞻高远之才，沈静精妙之思，编注群经，旁及秘纬，宣究微言，蔚为圣译。其《戒子益恩书》云：『述先圣之玄意，整百家之不齐。』平生蘄向，于斯可见。同时郑泰，已称其『学通今古』，《范书传赞》亦谓其『囊括大典，网罗众家，删裁繁芜，刊改漏失』。及萧子显《南齐书》于《刘瓛陆澄传》著《论》亦云：『康成生炎汉之季，训义优洽，一世孔门，褒成并轨，故老以为前修，后生未之敢异。』故许懋称其『有参、柴之风』，李谧称之为『汉末之通儒，后学所取正』，信非溢美之辞也。当灵、献之际，以一布衣雄世，屡征不就，而牧伯讨『贼』，倚以为重，朝廷定制，问以取决，卢植议修礼，推为有道之人；赵融论礼贤，尊为君子之望；孔融表为郑公；应劭自愿北面称弟子；门人著录，多至数千，达者如王基、崔琰、国渊、任嘏，隐者如赵商、张逸、刘熙、宋均，并有时名。当其生存，其学已盛，及其没也，弟子撰其答问《五经》作《郑志》八篇，以拟《论

语》。王粲称「伊、洛以东，淮、汉以北，一人而已」。岂不以先儒多阙，而郑氏道备乎？黄初以后，郑学遂立博士，朝臣辨论，郑氏诸经说，无不撮引。高贵乡公幸学讲经，亦崇郑学。盖自建安以及三国，数十年中，今古之学式微，而郑学统一天下矣。居恒读郑氏书，夷考其行，未尝不心向往之，及繙帙有清以还《郑谱》，无虑十数家，率皆不厌人望。窃以郑君之出处默语，与其所以发愤著书之故，是亦知人论世者之所有事也，不自谥陋，乃案往旧造说，为之匡正拾补，亦既有伦有脊矣，然后郑君之嘉言懿行，粲然大备，是亦推其小无不尽、大无不备之旨而为之者耶？是为序。

岁在上章摄提格嘉平月上浣杀青于峨眉山伏虎寺

一九八一年七月二十九日改写于河北承德避暑山庄

江津王利器识

目 录

序言	一
世系	一
年谱	三五
祠墓	一九
著述	三五
弟子	二六九
轶闻	三三
评论	三二
祀典	三五

世

系

世系

王丙曦《郑康成先生年谱稿》据《山左郑氏族谱》载入，今本之，并略加考订于当条之下。

一世国，孔子弟子，字子徒，原名邦，避汉高祖讳称国，后世封胸山侯。

《史记》《仲尼弟子列传》：「郑国，字子徒。」《索隐》：「《家语》：「薛邦，字徒。」《史记》作「国」，而《家语》称「邦」者，盖避汉祖讳而改，「郑」与「薛」字误也。」《正义》：「《家语》云：「薛邦字徒。」《史记》作「国」者，避高祖讳，「薛」字与「郑」字误耳。」

孔继汾《阙里文献考》卷四十二云：「薛邦、郑国，实两人。」

朱彝尊曰：「仲尼之徒，名字间有同者：既有鲁藏，亦有奚容藏，又有公西藏，既有冉耕，亦有司马耕；既有宓不齐，又有任不齐；既有公西赤，亦有壤驷赤；既有卜商，亦有秦商；既有原亢，亦有陈亢；既有狄黑，亦有宰父黑；既有冉孺，

亦有公良孺；既有秦祖，亦有颜祖；此名不嫌同也。冉求字子有，有若漆雕徒父亦字子有；颜无繇字季路，仲由亦字季路；颛孙师字子张，琴牢亦字子张；巫马施字子期，叔仲会亦字子期；公西藏字子上，公西舆如亦字子上；秦非字子之，公祖句兹亦字子之；原宪字子思，燕汲亦字子思；曾藏字子皙，伯虔、狄黑、奚容蒧亦字子皙；壤駟赤字子徒，郑国亦字子徒；秦冉字子开，琴牢亦字子开；申绩字子周，公伯繇亦字子周；荣旂字子祺，县成亦字子祺；颜哿字子声，乐欬亦字子声；漆雕哆字子斂，邾巽亦字子斂；此字不嫌同也。然则薛邦、郑国，子徒、子从，安见其名字相类，而并疑其姓氏之误邪？乃议祀典者，封郑而罢薛，见其必为一人，揆之于礼，终有未安也。」（《曝书亭集》卷五十六《孔子弟子考》）

李周望《国学礼乐录》卷六云：『唐开元中，追封蔡阳伯，从祀朝廷，宋加封胸山侯，明嘉靖中改称先贤郑子，国朝因之。』

按郑君有《孔子弟子目录》，裴驷《集解》数引其说，惟此于其言其祖者，独阙而不引。盖裴氏当日必犹见其书，与《史记》略同，故采其异者注之，同者则不

复注也。

二世如，农隐不仕。

三世昌，字次卿，初为吴令，项羽使为韩王，见《史记》。汉举明经，太原、涿郡太守。

按汉有两郑昌，一为项羽所封之韩王，当秦、楚之际，一为汉太原、涿郡太守，当宣帝之世，附见《汉书》《郑弘传》。相去约一百五十年，其为两人决矣。《郑氏族谱》乃合并为一人，大谬。吾国家乘族谱，修陈氏族，本多不可信赖。不意遥遥华胄之说，今复于大儒之后见之。甚矣，中国谱牒学之荒唐也。

《汉书》《刑法志》：「时涿郡太守郑昌上疏言：「圣王置谏争之臣者，非以崇德，防逸豫之生也。立法明刑者，非以为治，救衰乱之起也。今明主躬垂明听，虽不置廷平，狱将自正；若开后嗣，不若删定律令。律令一定，愚民知所避，奸吏无所弄矣。今不正其本，而置廷平以理其末也，政衰听怠，则廷平将招权而为乱首矣。」宣帝未及修正。」